

Fouxgyong Saenzmaed—Foux Gyongnaezhenj Yauzcuz Ginhsiu

神秘的鼓舞——金秀瑶族黄泥鼓舞

□ Vangz Yizvaz raiz Veiz Yinyiz hoiz



▲ Gij ciengzmienh angqyangz aenfoux gyongnaezhenj.

▲ Gyongmeh itbuen youz boux goengsae daudwz ndei mingz-muengh naek haenx daeuj roq.

◀ Yauzcuz ginzung youq ndaw ciet cungj mbouj noix mboui ndaei aenfoux gyongnaezhenj.



▲ Gyongboux gwnz laj, swix gvaz fouxdoengh, fwngzgvaz doxvuenh bongx song aen najgyong.



▲ Baez daengz gij ciengzhab ciet, gingq daengj, ginzung Yauzcuz cungj aeu biujyienj aenfoux gyongnaezhenj.



▲ Gij cungqyang faexliuh aeu vat hoenga.



▲ Aen gyongnaezhenj gyaeunde.

cungqyang hoengq ndeu roq. Gvaq-laeng, Mbanjyauz danhfanz bungz-daengz sangsae, cungj aeu roq cungj gyong neix biujsiq diuqniemh. Cungj diuqniemh fuengsik neix menhmenh yenjva, daengz seizneix, danhfanz daengz ciet, goengsae guhfap, angqhoh fungsou, saxcae gouzduk roxnaeuz guhsang daengj ciengzhab, lwgminz Yauzcuz cungj aeu biujyienj gyongnaezhenj.

Gyongnaezhenj dwg cungj yozgi ndawbiengz Yauzcuz lwgminz ciengzyouq byalau haenx maijgyaez ndeu. Gyongnaezhenj dwg yungh gij faexbaudungz unq nyangq youh fuengbienh haenx, vat hoengq song gyaeuj guhbaenz. Miz gyongmeh, gyongboux song cungj. Gyongboux hwet raez, gyongmeh hwet dinj, song gyaeujgyong yiengh lumj loxlez. Cungj gyong neix ceiq miz daegsaek haenx dwg: Aeu yungh gij naez-namhhenj byalau dieg Yauz daegmiz haenx, daeuj boiq youq gwnz najgyong cij dingh ndaej cinj sing. Ndigah vunlai couh heuh de guh gyongnaezhenj. Gij najgyong yungh naeznamhhenj boiq gvaq le, sing hungseuq youh ndeidingq, cienz geij leix gyae.

Aenfoux gyongnaezhenj youq ndaw foux minzcuz gig daegbied,

itbuen aen gyongmeh doxboiq seiq aen gyongboux gyoebbaenz gyoengq-foux. Gyongmeh venj mbat youq gwnzaek, yungh song fwngz roq, gyongboux cix dwg dawz daengj youq yangfwngz, yungh fwngzswix roq, dungcoz riengz yinhyoz bienqvaq, yiengh foux maenh'ak cwxcaih.

Gyongnaezhenj roq yiengj liux le, geij boux dahsau dajcang ndaej gyaeunde haenx, fwngz dawz suj-baqva, caij hauej giz gyong bae concap youq ndawde, doq go doq foux, seiz gauhcawz, bouxyawj mbouj rox mbouj nyinh gyahaeuj ndaw gofoux bae. Gyongboux caeuq godoih humx gyongmeh youq cungqyang, couhlumj ndaundeiq humx rongh-ndwen ne, gyongmeh youh seiz mbouj seiz caeuq gyongboux doxdoiq roq, hawj gij ciengzmienh angqyangz raixcaix.

Diuq aenfoux gyongnaezhenj ciengzmienh ceiq nauhyied dwg "ciet Banzvangz". "Ciet Banzvangz" (itbuen dwg liggaueq bet nyied cibngux gawjbanh) dwg ciet conzdungj Yauzcuz. Vih geiqniemh cojcoeng bonjfaenh—Yauzvangz, gyoengqvunz daiq gij gyongnaezhenj maijgyaez haenx daj baihrog geij goengleix ganj daeuj camgya aen ciethoengh neix.

Ginhsiu Yauzcuz Swciyen Luzgangj Yangh Luzgangjcinh mbanj Yagujcinz boux vunzmbanj Banz Cinsungh lai bi daeuj yunghsim guh gij hong aenfoux gyongnaezhenj baujhu caeuq cienziep. Bi 2009、2012, Banz Cinsungh gonqlaeng ndaej minghmingz guh swciyeh gaep caeuq gozgyah feih vuzciz vwnzva yizcanj hanghmoeg "Yauzcuz canzgjuvuj (aenfoux gyongnaezhenj) daibyausung vunziecienziep". Youq de yingyangj dauqlaj, ndawmbanj guhbaenz cienzhag gihdi, caemhcai youq bi 2013 ndaej hwnj aen daizheiq yanghsi "sim lienx sim".



▲ Gyoengq bouxyienj aenfoux gyongnaezhenj angqyangz ingjsiengq.